

Discoûrs do Borgumêsse â Trouv'lê

Cwarmê 2018

1. On-z-a bin tortos one sacwè du nosse Mâm'dî
2. Cisse formidâbe anvî du fièsti
3. Come si on v'lahe d' on côp to roûvyî...
4. One sacwè du nosse Mâm' dî...
5. K' on vikahe è mitan dol vèye
6. K' on seûhe du Hofrê, d' Lignoûvèye
7. Ou bin d' Wémes ou du Fêmonvèye,
8. Méme du Stâv'leû èt sès mèrvèyes
9. Duzeû totes nos difèrinces
10. On s' ravize cint pourçants, dju pinse
11. Si vite ku ruv'nèt lès cwate djoûrs
12. On-z-a dès clapant bat'mints d' coûr

13. Sacré Trouv'lê, bin vo-t'-ru-là
14. Dju sos contint du t' vèy vola
15. Nosse vî Cwarmê fout invanté
16. Par tès-ancêtes : kéne bone îdé !
17. Sacré, sacré, sacré, sacré,
18. Sacré vî Trouv'lê !

19. Portant, dju deûs bin t' int' fôrmer
20. T' as one responsâbilité :
21. C' èst d' aveûr l' êr d' on chèv sérieûs
22. Méme si t' as do mâ d' roter dreût
23. ÔRÈS' cès consèys du bon sins ?
24. ÔRÈS' cès-îdés ? Mu comprinds' ?
25. Ou bin, mètant EST-CE MÂlêhî
26. Ça t' dumand'reût trop' d' énerjî ?...

27. Rézistèye, proûve ku t' ègzistèyes !
28. Dène-nos l' ègzimpe èt pèrzistèye
29. acsègne-leûzi ku l' fwace, tu l' as
30. K' tu l' as, k' tu l' a s ! Tu l' as, tu l' a-as !
31. Et nos-ôtes, nos-alans t' êdî
32. Tu veûrès : lu Cwarmê d' Mâm' dî

33. Ku on l' ême, ku on l' ême, ku on l' ême
34. Sacri nom di m' pipe
35. Ku on l' ême, ku on l' ême, ku on l' ême !

36. Mès ça n' va nin, dju m' lês aler
37. çu n' èst nin m' rôle d' insi djâzer
38. Dju deûs lèyî fé lès d'guizés
39. Et d' moni on pô du m' costé
40. K' i s'amûzèhe bin come i fât
41. Tot d' monant djint, c' èst l' condicion
42. Èt rèspectant lès trâdicions
43. k' on-z-a todi avou vola !

44. K' on n' vègne nin nos dîre k' on n' waze pus
45. À câze du principes du mil Dju
46. Fé doûç' mint assoti lès djins,
47. Prétinde ku c' èst do harcél' mint !
48. On pôreût mète lu batalion
49. Du tos nos d' guîzés ol prîhon !

50. Fini po l' boldjî d' sinte on cou
51. Et fini po l' sotê avou
52. Fini l' cwapi d' sinte on molèt
53. Èt finis lès hape-tchârs, parèt
54. Aler toucher one fème so l' tièsse
55. Èt même avou dèss longuès brèsses
56. toum' reût so l' côp d' l' intèrdiccion
57. s' reût vèyou come one agrèssion

58. Lès vèheûs deûrît même, s' i v' plêt
59. balancî leûs vèhis d' pourcê
60. Lès sâvadjes deûrît candji d' nom
61. Èt s' dulâborer d' blanc cirèdje
62. Lès longs-nés sèrît bin l' coyon
63. du n' pus pwarter nou foû vizèdje !

64. Mès bin sûr, totes cès brâvès djints
65. N' ont rin d' ôte k' one îdé ol tièsse
66. c' èst d' fé pârticiper à l' fièsse
67. tot l' monde avou lès Mâm' diyins
68. Fuzans l' bin comprinde lâdje èt long

69.â carnaval, i fât rîre, don !
70.S' i fât guètchî lès mousse-o-foûr,
71. I finih'ront par rîre on djoûr !

72.Dju tu l' dis come à tote lu sâle
73.Evoyoz l' mâle imeûr â djâle
74.Méme s' i-gn-a d' min dès « robocops »
75.Continuwoz à fé vos hopes !

76.Trouv'lê, c' èst dèdjà tu dièrin mandat
77.Mès l' meûs d'octôbe sèrè vite là
78.Mi méme, dju n' pous èsse sûr du rin
79.Dju deûrè moutwat passer l' min
80.Dj' âreûs volou èsse on-ârtisse
81. po d'moni longtins è m' burô
82.Come çoula, dju n' âreûs nou ris'
83.Du rater l' prochin numèrô

84.N' i pinsans nin, profitans-è
85.Ç' n' èst djà nin mâ, cwate djoûrs â long,
86.Ça r'nètihe si on l' fêt à fond,
87.Dubrantchans tot ! èvôye, alès !
88.Trouv'lê, tins l' côp djusk' à mârdi
89.èt cwand k' tu t' troûv'rès d'vant l' tchèm'nî
90.t' ârès c' one tote dièrène mission
91. Po fini t' rôle, po clôre lès djeûs
92.Ci moumint-là, i t' fâre don...
93.Aloumeeer lu feu, aloumeeer lu feu !

94.Alès, tu rawâdes lu simbole
95.Ki tu dinrè tos lès pouwars
96.Tins, vo-l'-là, tu pous djower t' rôle
97.Acsègne-tu bon, acsègne-tu fwart !
Maestrô, s' i v' plêt !